

Hridsko jezero



[Priroda i javne površine: Jezera](#)



Jedno od najljepših u Crnoj Gori.

Hridsko jezero ili "jezero sreće" nalazi se na sjeverozapadnoj strani Prokletija, na gotovo 2000 m nadmorske visine. Vjeruje se da kupanje u bistroj vodi Hridskog jezera donosi zdravlje i sreću u braku. Pri odlasku, uz misao na željeno, neki komad nakita valja (za sreću) baciti u jezero.

Od Plava do Hridskog jezera može se doći putem, ali je bolje poslednju etapu prepješačiti jer snjegovi prilično oštete šumski put. Ovo jezero ne plaši, jer ga, iako je okruženo četinarima, ne pune njihove tamne sjenke. Njegova dužina je oko 300 metara, širina oko 160. Ljeti je duboko oko pet metara, a u ostalom dijelu godine znatno više zbog padavina i otapanja snijega. Zimi, prekriva ga debeli sloj leda.

Ribe u njemu nema, ali zato u julu mnoštvo tritona, planinskog mrmoljka, motaće vam se oko nogu. Tada je voda topla, možete se kupati, uživati u tišini i ljepoti, otvorenosti ka nebu od koje valjda i potiče osjećaj naklonjenosti čovjeku, tolike da mu donosi zdravlje i sreću.
